



Број/Број: 03/10-50-19-134-21/15
Сарајево/Sarajevo, 20.10.2015.

Истраžивање број: 208
Врста истраžивања: **ПО** – подаци

**UPRAVLJANJE KRIZOM -
PRIMJER POPLAVA U BiH 2014. GODINE
SA OSVRTOM NA SPREMNOST BiH ZA PRIJEM VEĆEG BROJA IZBJEGLICA**

Припремила: Nihada Jeleč

Дескриптор: управљање кризом

Истраžивање је намењено посланицима и делегатима, који могу поставити додатна питања, сугестије и коментаре на email адресу: istrazivacki.sektor@parlament.ba.

Јавност Босне и Херцеговине може коментирати радове, али Истраžивачки сектор нема могућност да одговара на коментаре и дискутира о истраžивању.

Информације наведене у садржају истраžивања важеће су у тренутку припреме истраžивања и оне се не ажурирају након објаве истраžивања.

Истраžивање не одражава званичан став Парламентарне скупштине Босне и Херцеговине (PSBiH).

SADRŽAJ

I. Uvod	3
II. Poplave u BiH 2014. godine	3
II.a Posljedice poplava	3
II.b Međunarodna donatorska konferencija za BiH i Srbiju nakon poplava	5
II.c Oporavak od poplava	6
II.d Međunarodna konferencija o implementaciji donatorskih sredstava	6
II.e Direktiva EU o procjeni i upravljanju rizicima od poplava	7
II.f Analiza statusa sprječavanja i upravljanja poplavama na Zapadnom Balkanu	8
III. Spremnost BiH za prijem većeg broja izbjeglica	8
IV. Literatura i izvori	9

UPRAVLJANJE KRIZOM - PRIMJER POPLAVA U BiH 2014. GODINE SA OSVRTOM NA SPREMNOST BiH ZA PRIJEM VEĆEG BROJA IZBJEGLICA

I. Uvod

U kontekstu upravljanja krizom naručilac istraživanja je tražio informacije o poplavama koje su u maju 2014. godine pogodile Bosnu i Hercegovinu. Istraživački sektor PSBiH je u tu svrhu prikupio podatke iz zvaničnih dokumenata institucija Bosne i Hercegovine (BiH), Razvojnog programa Ujedinjenih nacija (UNDP), Evropske unije (EU) i Organizacije za sigurnost i saradnju u Evropi (OSCE). U radu je naveden i kratak osvrt na spremnost države za prijem većeg broja izbjeglica u slučaju koridora kroz Bosnu i Hercegovinu.

II. Poplave u BiH 2014. godine

Poplave koje su sredinom maja 2014. godine pogodile Bosnu i Hercegovinu bile su najteže poplave u posljednjih 120 godina. Elementarna nepogoda pogodila je četvrtinu teritorije države i oko milion ljudi, što čini približno 27% od ukupno 3,8 miliona stanovnika Bosne i Hercegovine. Ukupna procijenjena ekonomska šteta iznosi više od četiri milijarde konvertibilnih maraka ili 15% ukupnog bruto domaćeg proizvoda Bosne i Hercegovine u 2014. godini.

II.a Posljedice poplava

„Događaj koji je uveliko obilježio 2014. godinu su svakako poplave koje su u maju zadesile Bosnu i Hercegovinu. Majske poplave su bez pretjerivanja bile katastrofalne, s ljudskim žrtvama i velikim materijalnim štetama.

Velike količine kiše su prouzrokovale izlivanje brojnih rijeka iz svojih korita. Sa svojih ognjišta je pomjereno više od 950.000 stanovnika, devastirano je više od 100.000 individualnih stambenih objekata i zgrada, više od 230 škola i zdravstvenih ustanova, a na poljoprivrednim imanjima su nanesene ogromne štete. Uništeni su i brojni industrijski objekti, prometna infrastruktura itd.”

(Izvor: Izvještaj o radu Vijeća ministara Bosne i Hercegovine za 2014. godinu, mart 2015., str. 6. https://www.parlament.ba/sadrzaj/ostali_akti/izvjestaji/?id=55123)

„Tokom maja 2014. godine, ogromne količine padavina uzrokovale su velike poplave u sjevernim, istočnim i centralnim dijelovima zemlje, na granici sa Hrvatskom i Srbijom. To su bile najteže poplave u posljednjih 120 godina, koje su donijele ogromna razaranja u zemlji koja se još uvijek oporavlja od posljedica rata 1992-1995, gdje značajan broj stanovnika pati od hroničnog siromaštva i nezaposlenosti. Elementarna nepogoda pogodila je četvrtinu teritorije Bosne i Hercegovine i oko milion ljudi, što čini približno 27% od 3,8 miliona njenih stanovnika. Poplavama je pogođena skoro polovica lokalnih samouprava, od čega je 46 pretrpjelo teška oštećenja i razaranja, gdje su gradska, industrijska i ruralna područja danima bila u potpunosti poplavljena, odsječena od svijeta, bez struje, vode i komunikacija. Kuće, infrastruktura, škole, bolnice, privatni objekti, gazdinstva i usjevi zbrisani su sa lica zemlje, što je dovelo do prekida rada javnih službi, lokalne privrede i poljoprivrednih radova.“

(Izvor: EU Program oporavka od poplava

http://www.ba.undp.org/content/bosnia_and_herzegovina/bs/home/operations/projects/response_to_floods/eu_floods_recovery_programme.html)

„Prema zvaničnim podacima nadležnih entitetskih i institucija Brčko Distrikta Bosne i Hercegovine, u poplavama 2014. godine život je izgubilo 22 ljudi, a 2 osobe su registrirane kao nestale. Šteta u Bosni i Hercegovini je procijenjena na više od 2 milijarde EUR.

Analiza štete i uništenja uzrokovanih poplavama 2014. godine u BiH (informacije Ministarstva sigurnosti BiH):

- 73 općine (50%) u BiH pogođeno poplavama,
- 100.000 domova oštećeno ili uništeno,
- 230 škola i bolnica oštećeno ili uništeno,
- 66.080 osoba evakuirano,
- 7.176 klizišta aktivirano.
- Ukupna šteta procijenjena na 2 milijarde EUR.“

(Izvor: *Bosnia and Herzegovina 2014 Floods, Summary of the Case Study – Maglaj May 2014 Floods 23rd OSCE Economic and Environmental Forum, 21. septembar 2015., str. 1* <http://www.osce.org/pc/183376?download=true>)

„Svi raspoloživi timovi civilne zaštite, Oružanih snaga Bosne i Hercegovine, vatrogasaca, gorskih službi spašavanja, rafting klubova i lokalno stanovništvo su bili angažovani na terenu ulažući nadljudske napore kako bi se evakuiralo ugroženo stanovništvo, izvršila doprema hrane, vode, lijekova i druge pomoći.

Usljed ograničenih resursa i kapaciteta civilne zaštite i oružanih snaga Bosne i Hercegovine procijenjeno je da Bosna i Hercegovina nije bila u mogućnosti da u potpunosti odgovori svim zahtjevima. Na prijedlog Ministarstva sigurnosti Bosne i Hercegovine, Vijeće ministara Bosne i Hercegovine je 15. maja 2014. godine donijelo Odluku o traženju međunarodne pomoći. Na osnovu donesene odluke Vijeća ministara Bosne i Hercegovine, Ministarstvo sigurnosti Bosne i Hercegovine je uputilo zahtjev za međunarodnu pomoć putem Mehanizma civilne zaštite Evropske unije i putem NATO ERDCC.

Sektor za zaštitu i spašavanje Ministarstva sigurnosti Bosne i Hercegovine je kroz Operativno-komunikacijski centar Bosne i Hercegovine - 112 odigrao ključnu ulogu u sistemu zaštite i spašavanja koje se prije svega odnosi na unutrašnju koordinaciju, kao i međunarodnu saradnju u vidu prijema opsežne međunarodne pomoći Bosni i Hercegovini, s ciljem spašavanja ljudi i materijalnih dobara i oporavka u poplavama pogođenim područjima.

Naime, Ministarstvo sigurnosti Bosne i Hercegovine je putem operativno-komunikacijskog centra Bosne i Hercegovine 112, a u skladu sa Okvirnim zakonom, vršilo koordinaciju mjera zaštite i spašavanja na terenu. U saradnji sa oficirima za vezu Oružanih snaga Bosne i Hercegovine, Društva Crvenog križa Bosne i Hercegovine, Uprave za indirektno oporezivanje Bosne i Hercegovine, entitetskih uprava civilne zaštite, Direkcije za koordinaciju policijskih tijela Bosne i Hercegovine, Ministarstva civilnih poslova Bosne i Hercegovine, Republike Slovenije, Oružanih snaga Republike Hrvatske, EUFOR-a i drugih predstavnika međunarodnih organizacija, Ministarstvo sigurnosti Bosne i Hercegovine je koordiniralo akcije spašavanja i evakuacije koje su provodili domaći i međunarodni timovi u Bosni i Hercegovini, isporuku hrane, vode, lijekova, goriva i ostale pomoći.

Zemlje članice Evropske unije su u najvećem broju slučajeva pomoć Bosni i Hercegovini uputile putem Mehanizma civilne zaštite Evropske unije i to u vidu helikoptera, timova za

spašavanje ljudi, modula sa pumpama visokog kapaciteta, jedinica za prečišćavanje vode, timova za sanaciju terena od poplava, opreme i humanitarne pomoći.

Djelovanjem međunarodnih timova za spašavanje ljudi od poplava, kao i aktivnostima helikoptera evakuisano je i spašeno više od 3000 ljudi. Prečišćeno je oko 4 miliona litara vode, dok je radom pumpi visokog kapaciteta ispumpano preko 4 miliona m³ vode iz poplavljenih područja.

U operacijama međunarodnih timova na teritoriji Bosne i Hercegovine, a koji su upućeni u Bosnu i Hercegovinu putem Mehanizma civilne zaštite Evropske unije učestvovalo je ukupno 850 spasilaca. Ovo je bila najveća operacija Mehanizma civilne zaštite Evropske unije u proteklih 12 godina na teritoriji Evrope.

Tokom poplava raseljeno je ukupno 89.981 osoba. U potpunosti je uništeno 1943, a djelomično 41.306 objekata za stanovanje. 300.000 stanovnika bilo je direktno, a više od milion indirektno ugroženo poplavama. Kao posljedica velikih kišnih padavina i poplave došlo je do pojave velikog broja klizišta.

Još uvijek postoji veliki broj ljudi koji se nisu vratili svojim domovima. Na nivou entiteta su formirana vladina tijela koja se bave aktivnostima na oporavku od poplava. Vijeće ministara Bosne i Hercegovine, kao i entitetske vlade su izdvojile finansijska sredstva za oporavak od poplava. Međutim, to je još uvijek nedovoljno za potpuni oporavak. Prema međunarodnim procjenama, štete uzrokovane poplavama u Bosni Hercegovini iznose oko 4 milijarde KM.“
(Izvor: Informacija o stanju sigurnosti u Bosni i Hercegovini u 2014. godini, Ministarstvo sigurnosti BiH, Aktivnost Sektora za zaštitu i spašavanje Ministarstva sigurnosti BiH u toku katastrofalnih poplava Bosni i Hercegovini, maj 2015., str. 59 - 61

https://www.parlament.ba/sadrzaj/ostali_akti/strategije/default.aspx?id=58158&langTag=bs-BA&pril=b

II.b Međunarodna donatorska konferencija za BiH i Srbiju nakon poplava

Nakon poplava Bosna i Hercegovina i Srbija su zatražile međunarodnu pomoć.

„Kako bi odgovorile na poziv obje države i kako bi podržali obje države u njihovim nastojanjima, Evropska komisija, Francuska i Slovenija su preuzele inicijativu da sazovu Međunarodnu donatorsku konferenciju pod sloganom „Izgradimo ponovo zajedno“. Delegacije preko 60 zemalja i 23 međunarodne organizacije, kao i predstavnici civilnog društva i privatnog sektora okupili su se u Briselu 16. jula 2014. godine. Konferencija je još jednom pokazala veliku solidarnost sa Bosnom i Hercegovinom i Srbijom, a mobilisano je ukupno 809,2 miliona EUR opredijeljenih sredstava za Bosnu i Hercegovinu i 995,2 miliona EUR za Srbiju kako bi se suočile sa finansijskim potrebama u 2014. godini od 650 miliona EUR, odnosno 830 miliona EUR. Za prekogranične aktivnosti je obećano 41,4 miliona EUR.“

(Izvor: Informacija o aktivnostima Ministarstva vanjskih poslova BiH nakon održane Međunarodne donatorske konferencije u Briselu dana 16.07.2014. godine)

II.c Oporavak od poplava

UNDP u Bosni i Hercegovini provodi četiri programa koji se odnose na oporavak od poplava (neki su još uvijek u fazi implementacije, a neki su trebali biti završeni do kraja septembra 2015.):

- EU Program za oporavak od poplava (vrijednost Programa 43,52 miliona eura) (http://www.ba.undp.org/content/bosnia_and_herzegovina/bs/home/operations/project/s/response_to_floods/eu_floods_recovery_programme.html)
- UN Program oporavka od poplava „Danas za nas“ (vrijednost Programa 22,6 miliona američkih dolara) (http://www.ba.undp.org/content/bosnia_and_herzegovina/bs/home/operations/project/s/response_to_floods/un-floods-recovery-programme-danas-za-nas.html)
- Podrška oporavku od poplava i smanjenju rizika u BiH (vrijednost Programa 1,4 miliona američkih dolara) (http://www.ba.undp.org/content/bosnia_and_herzegovina/bs/home/operations/project/s/response_to_floods/support-to-flood-recovery-and-risk-mitigation-in-bosnia-and-herz/)
- Upravljanje rizicima od klizišta u BiH (vrijednost Programa 4,1 milion američkih dolara) (http://www.ba.undp.org/content/bosnia_and_herzegovina/bs/home/operations/project/s/response_to_floods/landslide-disaster-risk-management-in-bih/)

Bosna i Hercegovina je u januaru 2015. godine usvojila Akcioni plan za zaštitu od poplava i upravljanje rijekama u BiH 2014-2017.

(<http://www.voda.ba/uimages/Akcioni%20Plan%20za%20za%C5%A1titu%20od%20poplav%20i%20upravljanje%20rijekama%202014-2017.pdf>)

II.d Međunarodna konferencija o implementaciji donatorskih sredstava

Godinu dana poslije poplava u Sarajevu je 28. i 29. septembra 2015. godine održana Međunarodna pregledna konferencija o napretku ostvarenom u implementaciji rezultata Briselske donatorske konferencije za saniranje posljedica poplava u Bosni i Hercegovini i Srbiji.

„Katastrofalne poplave iz maja 2014. godine u Bosni i Hercegovini i Republici Srbiji su rezultirale ljudskim žrtvama, uništenom javnom, transportnom, komunalnom i privatnom infrastrukturu, pri čemu su najranjivije kategorije stanovništva bile najviše pogođene. Međunarodna zajednica je pokazala solidarnost, pružanjem hitne i humanitarne pomoći i organiziranjem Donatorske konferencije "Obnavljamo zajedno" u julu 2014. godine, na kojoj su delegacije iz više od 60 zemalja i 23 međunarodnih organizacija, kao i predstavnici civilnog društva i privatnog sektora obećali podršku Bosni i Hercegovini (810.5 mil €), Srbiji (995.2 mil €) i za prekogranične aktivnosti (41.2 mil €), za prevazilaženje posljedica teških i razornih poplava. (...) Republika Srbija je dobrim dijelom realizirala proces sanacije šteta u ugroženim područjima i ostvarila visok stepen realizacije zaključaka briselske Donatorske konferencije, kao i angažovanja donatorskih i vlastitih sredstava. Bosna i Hercegovina je ostvarila određen nivo rezultata u procesu sanacije šteta u ugroženim područjima i realizacije zaključaka briselske Donatorske konferencije, kao i visok nivo angažovanja donatorskih i vlastitih sredstava. Međutim, iskazana disproporcija između ukupno obećanih finansijskih sredstava na briselskoj Donatorskoj konferenciji i ukupno isplaćenih finansijskih sredstava

ukazuje da u narednom periodu treba ubrzati proces realizacije sredstava, uključujući i grantove i kredite.”

(Izvor: Zaključci Međunarodne pregledne konferencije o napretku ostvarenom u implementaciji rezultata Briselske donatorske konferencije za saniranje posljedica poplava u Bosni i Hercegovini i Srbiji, 28. septembar 2015.

<http://www.mvp.gov.ba/Baneri-Linkovi/Zakljucci%20prijepodnevna%20sesija-09102015.pdf>)

„Na dešavanju koje je okupilo predstavnike Bosne i Hercegovine, Srbije, Evropske unije i međunarodnih organizacija, uključujući Razvojni program Ujedinjenih naroda (UNDP) i Svjetsku banku, ambasador Wigemark je istakao da će se nakon osiguranih 42 miliona eura za BiH i 30 miliona eura za Srbiju osigurati dodatna 41 miliona eura (BiH) i 62 miliona eura (Srbija) u okviru dalje podrške oporavku od poplava i upravljanju rizicima od poplava. Ambasador je naglasio da je zajednički cilj za budućnost izbjeći da slične ili druge katastrofe izazovu takav stepen uništenja po stanovništvo, okoliš, kulturnu baštinu, kao i zajednice i privredne djelatnosti. ... Na donatorskoj konferenciji u Briselu prošlog jula pod motom „Obnovimo zajedno“, u organizaciji Francuske i Slovenije, Evropska unija je obećala ukupno oko 200 miliona eura za Srbiju i Bosnu i Hercegovinu. U Bosni i Hercegovini, do sada se gotovo 9.000 već vratilo u svoje domove, a do kraja godine očekuje se povratak još 2.000 porodica. Završena je sanacija i opremanje 104 škole i vrtića za 46.000 djece, učenika i nastavnika. Važno je istaći da smo osigurali podršku za 56 malih i srednjih preduzeća ovdje u BiH, čime smo dali doprinos zadržavanju i generiranju preko 2.000 radnih mjesta. Sve u svemu, osigurali smo rezultate za preko pola miliona građana u Bosni i Hercegovini.

(Izvor: internetski članak „Oporavak od poplava: preusmjeravanje pažnje s obnove na prevenciju“ koji se odnosi na navedenu međunarodnu konferenciju i govor ambasadora Lars-Gunnar Wigemarka, šefa Delegacije EU u BiH i specijalnog predstavnika EU u BiH, 28.09.2015. <http://europa.ba/?p=36441>)

„Na Konferenciji je naglašeno da budući da su poplave po prirodi regionalne, odgovor bi također trebao biti regionalni. Da bi došli do dugoročnog cilja odgovarajućeg upravljanja rizikom od poplava koje može minimizirati potencijalne rizike za zdravlje ljudi i resurse u regiji, zadatak zemalja je sljedeći:

- izgraditi odgovarajući sistem za upravljanje rizicima od poplava na snažnim temeljima, kroz bolje razumijevanje rizika i njihovo smanjenje sa strukturnim i nestrukturnim mjerama, unaprijeđenje pripravnosti, sisteme ranog upozoravanja i kapaciteta za odgovor i promociju strategija finansiranja rješavanja pitanja rizika,
- izraditi i utvrditi prioritete za provedbu planova upravljanja slivovima rijeka Dunav i Sava, te
- osnažiti kapacitete civilnih zaštita i struktura za odgovor na krizne situacije.

(Izvor: Zaključci regionalnog skupa o provedbi Direktive Evropske unije o poplavama u zemljama Zapadnog Balkana, 28. septembar 2015. <http://europa.ba/wp-content/uploads/2015/10/ZAKLJU%20C4%20CCI-REGIONALNOG-SKUPA.pdf>)

II.e Direktiva EU o procjeni i upravljanju rizicima od poplava

Kada su u pitanju poplave, na nivou Evropske unije na snazi je Direktiva 2007/60/EZ Evropskog parlamenta i Vijeća od 23. oktobra 2007. o procjeni i upravljanju rizicima od poplava. (<http://eur-lex.europa.eu/legal-content/HR/TXT/?uri=CELEX:32007L0060>)

II.f Analiza statusa sprječavanja i upravljanja poplavama na Zapadnom Balkanu

„Europska komisija je pokrenula izradu analize nedostataka, namijenjenu da posluži kao sveobuhvatan popis potreba i mjera za odgovarajućim upravljanjem rizicima od poplava, s naglaskom na status provedbe Direktive EU o poplavama, a obuhvata i investicije i mjere u smislu politika. (Izvor: *Zaključci regionalnog skupa o provedbi Direktive Europske unije o poplavama u zemljama Zapadnog Balkana*, 28. septembar 2015. <http://europa.ba/wp-content/uploads/2015/10/ZAKLJU% C4% 8CCI-REGIONALNOG-SKUPA.pdf>)

„Kao što su pokazale poplave u proljeće 2014., regija je posebno osjetljiva na posljedice klimatskih promjena. Poplave koje su se prethodno smatrale pojavama ‘jednom u životu’ postale su i učestalije i intenzivnije, a regija se mora pripremiti i na to da će postati sve više vjerovatne.”

(Izvor: *Sprječavanje i upravljanje poplavama na Zapadnom Balkanu: koje su potrebe u kontekstu (dalje) implementacije Direktive EU o poplavama?* http://europa.ba/wp-content/uploads/2015/09/WB-FLOODS-One-Pager_Bhs.pdf)

III. Spremnost BiH za prijem većeg broja izbjeglica

U državama Zapadnog Balkana i Evropske unije aktuelno je pitanje dolaska i smještaja velikog broja izbjeglica, koje je u medijima i u političkom prostoru nazvano „izbjeglička kriza“. Postavljeno je pitanje koliko je Bosna i Hercegovina spremna za prijem većeg broja izbjeglica u slučaju da tzv. koridor ili prolazak izbjeglica prema Evropskoj uniji bude preko teritorije Bosne i Hercegovine.

„Eventualna promjena rute ulaska migranata/izbjeglica u zemlje članice Evropske unije i „šengenskog prostora“ preko teritorije BiH je jedna od nepovoljnih ruta kretanja prema krajnjim destinacijama na području EU i kao takva dodatno bi usložila kretanje migranata/izbjeglica. Međutim, imajući u vidu izgradnju pomenute ograde na granici između Mađarske i R. Srbije, kao i eventualno pojačano djelovanje granične kontrole u slučaju skretanja ruta kretanja migranata/izbjeglica prema R. Hrvatskoj, postoji realna mogućnost da bi se kao jedan od koridora kretanja migranata/izbjeglica prema krajnjim destinacijama na području EU mogao uspostaviti koridor kroz BiH. U tom slučaju za očekivati je da bi se uspostavio koridor na području sjeveroistoka BiH i jugoistoka BiH. Kopnena granica R. Hrvatske sa R. Srbijom na sjeveroistoku je tačka na kojoj bi se mogao da očekuje najveći pritisak. S druge strane, kopnena granica BiH sa R. Hrvatskom je najduža vanjska kopnena granica Evropske unije, te u tom kontekstu ne treba zanemariti mogućnost i procjene da će određen broj osoba put prema zemljama EU nastaviti rutom koja ide preko BiH koristeći sjeveroistok BiH. Također, u slučaju promjene rute i otvaranja koridora kretanja preko BiH, postoji mogućnost da se može aktivirati i ruta preko Kosova i Crne Gore prema jugu Hrvatske, odnosno prema jugoistoku BiH.

Na osnovu navedenih podataka i procjena moguće je očekivati da se prvo ponovo aktiviraju identifikovane rute kroz BiH operativno nazvane "Sjeverni koridor" čiji je ulaz u BiH na sjeveroistoku (granica sa R. Srbijom), a izlaz na sjeveroistoku i sjeverozapadu (granica sa R. Hrvatskom), a potom i "Južni koridor" čiji je ulaz u BiH na jugu i jugoistoku (granica sa Crnom Gorom), a izlaz na zapadu i sjeverozapadu (granica sa R. Hrvatskom), a istim će pokušavati preći ilegalni imigranti i tražioc azila koji dolaze ili se već nalaze u R. Srbiji i Crnoj Gori.

U masovnim tokovima migranata/ izbjeglica očekuje se i znatan broj maloljetnika bez pratnje za koje je potrebno obezbijediti adekvatne uslove za prihvatanje. Također, moguće je očekivati povećan broj zahtjeva za vize u DKP-ima BiH koji pokrivaju zemlje visokog migracionog rizika, kao i na aerodromima veći priliv imigranata i tražilaca azila, kao i stranaca koji žele legalno ući u BiH, ali ilegalno preći u zemlje EU.

Također je važno navesti da će se taj broj migranata/izbjeglica značajno povećati i najavljenim ulaskom Hrvatske u Schengen zonu. Dosadašnja praksa je pokazala da se migranti/izbjeglice ne zadržavaju dugo na teritoriji tranzitnih država (Grčka, Makedonija i Srbija), jer im je cilj ulazak na teritoriju EU koja je u Šengenskom graničnom režimu. Međutim, i pored te činjenice, tranzit ogromnog broja ovih osoba predstavlja veoma veliki organizacijski, bezbjednosni, humanitarni i finansijski izazov za države koje se nalaze na balkanskoj migrantskoj ruti.“

(Izvor: Informacija o procjenama i mogućnostima Bosne i Hercegovine po pitanju izbjegličke krize u regionu i Evropskoj uniji, Vijeće ministara BiH, str. 17, septembar 2015.)

IV. Literatura i izvori

Izveštaj o radu Vijeća ministara Bosne i Hercegovine za 2014. godinu, mart 2015.

Informacija o procjenama i mogućnostima Bosne i Hercegovine po pitanju izbjegličke krize u regionu i Evropskoj uniji, Vijeće ministara BiH, septembar 2015.

Informacija o stanju sigurnosti u Bosni i Hercegovini u 2014. godini, Ministarstvo sigurnosti BiH, maj 2015.

Bosnia and Herzegovina 2014 Floods, Summary of the Case Study – Maglaj May 2014, Floods 23rd OSCE Economic and Environmental Forum, 21. septembar 2015

Informacija o aktivnostima Ministarstva vanjskih poslova BiH nakon održane Međunarodne donatorske konferencije u Briselu dana 16.07.2014. godine

Zaključci Međunarodne pregledne konferencije o napretku ostvarenom u implementaciji rezultata Briselske donatorske konferencije za saniranje posljedica poplava u Bosni i Hercegovini i Srbiji, 28. septembar 2015.

Direktiva 2007/60/EZ Evropskog parlamenta i Vijeća od 23. oktobra 2007. o procjeni i upravljanju rizicima od poplava

Internetska stranica Parlamentarne skupštine Bosne i Hercegovine

https://www.parlament.ba/sadrzaj/ostali_akti/izvjestaji/?id=55123

https://www.parlament.ba/sadrzaj/ostali_akti/strategije/default.aspx?id=58158&langTag=bs-BA&pril=b

Internetska stranica UNDP

http://www.ba.undp.org/content/bosnia_and_herzegovina/bs/home/operations/projects/response_to_floods/eu_floods_recovery_programme.html

http://www.ba.undp.org/content/bosnia_and_herzegovina/bs/home/operations/projects/response_to_floods/un-floods-recovery-programme-danas-za-nas.html

http://www.ba.undp.org/content/bosnia_and_herzegovina/bs/home/operations/projects/response_to_floods/support-to-flood-recovery-and-risk-mitigation-in-bosnia-and-herz/

http://www.ba.undp.org/content/bosnia_and_herzegovina/bs/home/operations/projects/resonse_to_floods/landslide-disaster-risk-management-in-bih/

Internetska stranica OSCE

<http://www.osce.org/pc/183376?download=true>

Internetska stranica Agencije za vodno područje rijeke Save

<http://www.voda.ba/uimages/Akcioni%20Plan%20za%20za%C5%A1titu%20od%20poplava%20i%20upravljanje%20rijevama%202014-2017.pdf>

Internetska stranica Ministarstva vanjskih poslova Bosne i Hercegovine

<http://www.mvp.gov.ba/Baneri-Linkovi/Zakljucci%20prijepodnevn%20sesija-09102015.pdf>)

Internetska stranica Delegacije Evropske unije u Bosni i Hercegovini

<http://europa.ba/?p=36441>)

<http://europa.ba/wp-content/uploads/2015/10/ZAKLJU%C4%8CCI-REGIONALNOG-SKUPA.pdf>

http://europa.ba/wp-content/uploads/2015/09/WB-FLOODS-One-Pager_Bhs.pdf

Internetska stranica Službenog lista Evropske unije

<http://eur-lex.europa.eu/legal-content/HR/TXT/?uri=CELEX:32007L0060>)